

Demolicion di ruina di La Linda ta rekeri un trabou mas cauteloso

E por cai riba otro edificionan den cercania

ORANJESTAD- E trabou di demolicion di e ruina cu a keda di e edificio di La Linda den Caya Betico Croes, ta continuando pero henter e proceso ta bai tuma mas dia ya cu tin cierto peliger pa otro edificionan den cercania.

Principalmente e parti pabou cu no a kima totalmente y ainda e structura ta hopi fuerte u ta haci e trabou di demolicion un tiki mas dificil.

Den proximo diano lo inicia c'un proceso di corta diferente seccion di e edificio, un tipo di desmantela seccion pa seccion y kita esey for di caminda, te ora cu yega na e parti mas abou di e edificio. Ahaci varios esfuerzopabasha e ruina den un solo accion den otro anto e ora hiba e ruina pa Jaburibari pero durante di varios prueba cu a ser haci pa bashe den otro, tin indicacion cu e edificio por leun net direccion contrario y bai haci daño na otro edificionan den vecindario.

Ya caba a transporta gran di parti di e sector pariba di e edificio pa e dump na Jaburibari pero e trabou grandi



y esun mas delicado, ainda tin cu tuma lugar y eyan ta tumando precaucionnan extra pa evita cu por presenta un situacion cu ta causa daño y incomodidad den vecindario.

